



PLATA DE CHEMUN

www.gemeinde.stchristina.bz.it

Nr. 4 dl 2005

Setëmber 2005

*Plata de nfurmazion dl Chemun de S. Crestina
Informationsblatt der Gemeinde St. Christina
Foglio informativo del Comune di S. Cristina*

Grupa de bal populer de Sëlva y S. Cristina tla Toscana

De bieì bai a Bagno Vignoni

Do che l'ann passà an fat l'bel viac a Budapest sons chëst'ann jic tla Toscana per mustré nce ilò a ngrum de jënt nosc bai, nosta trohtes y tradiziuns. Oradechèl fòvel ènghe na pitla recunescënza per i cumëmbri per l'gran mpëni y la lezitënza mustrei ntan dut l'instà. Davia che la grupa à mé puec mutons, ti va na lauda dantaldut a d'èi, ajache i fova "for" njinièi, canche la se tratova de balé. Gran pert dla spëises de chësc viac vën sëuran-tëutes dai cumëmbri nstësc, ajache i scioldi tla cassa dla lia ie unic adurvei per anjiniè trohtes nueves y per fé sù i ciauzei.

N juebia ai prim de setëmber sons pièi via abenëura da duman per ruvé a Firenze puech dan marènda. Domesdi ons pudù fé na raida y jì a ti cialé ala beliscima zità. Sun la sèira sons pona jic a Siena ulache se on fermà 3 dis alalongia per ti cialé a monumënc y plazes y nce per fé na raida tla valeda dl Chianti. La sada fova po' l'gran di; do vester furnei de viers dl pitl luech de Bagno Vignoni ons pudù amiré la beliscima strutura Adler Thermane che nes ie unida mustreda per 40 menuc te uni si marueia. Ilò ons ènghe pudù fé na ultima proa generale y rengrazion perchël l' direttore dl hotel y l' patron Sanoner per la boni-



scima cunlaurazion, per i locai metui a disposizion y per la bona cëina.

Do ti avèi seurandà n bel cheder dla grupa sciche sèni de rengraziamënt ons fat na bela aparizion sun plaza dl luech dan a na gran cumpèida de jënt. Davia che te Gherdëina fovela cër frëscia sons la dumènia mó tlamei a Lido di Camaiore dlongia Pisa per se góder i ultimi ciauc sun èur dl mer.

Coche for ie la plu bela fotos dl viac da pudèi cialé te internet sun www.volkstanzgruppe.org. Sën d'au-tonn arons mo n valguna cumparides

y po' ons mo da mparé ite vel bal nuef y dantaldut nce i "Schuhplattleri". Rengrazion duta la jënt che à judà pea, che se à sustenì y che ie unida a cialé nosta desmustraziuns de bal.

La grupa se ncnunforta a Ve udèi ai prim de utober tl zënter de Runcadic n ucajian dla festa dla "Nëus Jëuni Gherdëina", ulache danterlauter uniràl mustrà per l'prim iède te Gherdëina n valgun bai deberieda cun la grupa de Urtijèi.

L'presidënt Andreas Delago

PLATA DE CHEMUN 1 2 3 4 5 6 7 8 9 10 11 12 13 14 15 16



Provincia Autonoma de Balsan - Südtirol
Cultura Ladina

Str. Mëisules 146 - I-39048 Wolkenstein (BZ)
Tel. 0471 793288 - Cell. 349 7515134
E-mail: sendav@dnet.it

Raiffeisenkasse Wolkenstein K/K 00030000415-4, ABI 08238, CAB 58890, CIN: T

Gröden/Val Gardena



Dolomites